

AKASHVANI AIZAWL

REGIONAL NEWS BULLETIN

HEADLINES (MORNING)

1. Lok Sabha MP Pu Richard Vanlalmangaiha'n hnam inpumkhatna a pawimawh thu sawiin khawvel hmasawn zelah hmun hrang hranga zo hnahtlak te rilru hmun khata awm a tul thu a sawi.
2. Punjab leh Himachal Pradesh atanga thuthar thehdarhtu mi 6 Mizorama tlawha lo zin ten tualchhunga Mizote nunphung mawina chu entawntlak an tih thu an sawi.
3. Sawrkar laipui chuan ramchhunga LPG supply a kaihlak loh thu sawiin ni 74 daih chhekkhawl sa a awm a ti.
4. Union Minister for Road Transport and Highways Nitin Gadkari chuan sawrkarin lirthei khalhtute himna turin kawng hrang hrangin hma a la a ti.

<><><>

LOK SABHA MP

Lok Sabha MP Pu Richard Vanlalmangaiha'n hnam inpumkhatna a pawimawh thu sawiin khawvel hmasawn zelah hmun hrang hranga zo hnahtlak te rilru hmun khata awm a tul thu a sawi.

New Delhi khawpuia Burma Mizo Community (BMC) in Chapchar Kut lawmna an buatsaih a hmanpui na ah he thu hi sawiin Pu Richard Vanlalmangaiha chuan ZPM sorkarin a ngaih pawimawh ber zinga mi chu ram leh hnam humhalh a ni a ti a, state hrang hranga zohnahtlak te chu sawrkarin a ngaihsak thin tih sawiin hmun hranga an awm pawhin Mizo nun ze mawi tak chhuah zel a, mahni hnam chawisang zel turin zohnahtlak hmun hrang hranga cheng te rilru hmun khat pu tura a duh thu a sawi.

(Desk)

<><><>

GINGER

Mizoram sorkarin tun thla ni 23 thleng khan sawhthing hralhna hmun tur bika ruahman Secondary Collection Centre (SCC) 64 zinga 14 atangin sawhthing kg nuai 16 sing 4 & 5,967 a hralh tawh.

Mizoram Agriculture Marketing Board (MAMB) co-chairman Dr. K.C. Lalmalsawmzauva hnen atanga Akashvani News Aizawl thudawn danin, thla hlui February ni 2 atanga support price awma kut hnathawktuten sawhthing an hralh theih hun chhung tura ruahmanna kal mekah tun thla ni 23, Thawhtanni thleng khan sawhthing hralhna hmun tur bika ruahman SCC 64 zinga SCC 14 - Aibawk, Chawngtlai, Cherhlun, Hnahthial-I, Kanghmun, Khuangleng, Mamit, Reiek, Tawipui North 1, Thingdawl, Tipa, Tuidam, Tualcheng, leh West Phaileng atangin sawhthing kg 16,45,967 cheng nuai 510, sing 2, sang 5, 118 man hralh a ni tawh a. Heng SCC 14-ah hian sumdawngte chuan sawhthing hi kg khat cheng 30 atanga cheng 33 inkarin an lei a, sorkarin ba awm loa lei tura sumdawngte a tih angin sumdawngte hian an sawhthing leina man hi kut hnathawktute hnenah an pe vek tawh a ni.

MAMB-in support price awma sawhthing hralh theih hun tura a bituk chu February ni 2 atanga May ni 30 thleng a ni a; SCC 64-a sawhthing awm zat tura tarlan chu quintal nuai 3, sing 4, 6,470 niin, tuna sumdawngten an lei tawh zat hi a vaiin quintal sing 1, 6,460 a ni.

Mizoram Sorkar chuan February ni 2 atangin khan SCC katlangin loneitute Sawhthing lei tum mahse sumdawngten kut hnathawktute sawhthing an leina man hniam ber tura a bituk, Reserve Price cheng 40 atanga 45 inkar chu, a san em avangin leitu tur an awm mai lova, February ni 9 khan Reserve Price chu

cheng 30-35 inkarah tihniamin SCC pahnih- Mamit leh Tuidam atangin sawhthing te hi hralh chhuah chauh a ni.



PIB MEDIA TOUR

Punjab leh Himachal Pradesh atanga thuthar thehdarhtu mi 6 Mizorama tlawha lo zin ten tualchhunga Mizote nunphung mawina chu entawntlak an tih thu an sawi.

Press Information Bureau buatsaihna hnuai Mizoram rawn tlawh te hi PIB Jalandhar-a Media & Communication Officer, Vikram Jain-a'n kaihruaiin, Pathianni khan Mizoram an rawn thleng a, Mizoram hmun hrang hrang tlawh kualin, nimin khan Akashvani tlawhin he hunah hian Director leh Cluster Head Pu DR Lalropuia an hmuh bakah Asst Director (News) Pu Gin Gangte te nen inkawmin thuthar thehdarh kawnga Radio hmalakna hrang hrang an sawiho a ni.

Akashvani News Aizawl zawhna chhangin Team member zinga pakhat Prateek Jain chuan Mizoram nunphung chu mawi antih thu sawiin Lirthei tlan dan leh mumal taka dan an zawmna chu entawntlak antih thu an sawi a, mi tin inngaihsak tawna chu hmun danga awm ngailo Mizoram chuaha an hmuh anih thu an sawi a ni.

Byte : Prateek Jain

Press Tour lokal te hian hmun hrang hrang tlawhin heng zingah hian Sairang rel station leh Thenzawl-a Thermal power plant bakah Reiek an tlawh a ni.

Mizoram tlawh a rawn zin Media mi 6 zinga 4 te chu Punjab mi niin, midang 2 chu Himachal Pradesh a mi an ni a, Inrinni hian Mizoram an chhuahsan ang.

(Corr: Maremi)



ELF 'LEARN TO READ'

Lunglei Deputy Commissioner Office, Disha Foundation leh ELF English hma laknaa Lunglei District-a Lungsen Aspirational Block chhunga primary school thlan bika English bulthut zirna, ELF "Learn to Read" English Literacy Programme hnuai zirlaite'n English thiamna kawngah hma an sawn hle tih kumin March-a Annual Report tihchhuahah tar lan a ni.

Nikum August khan he programme hi tan niin sawrkar primary school 10 thlan chhuahah kalpui niin, zirlai 268-in an chhawr a. A tan tirhah zirlaite thiamna dinhmun endikna kalpui niin, hemi mil hian pawl tina zir tur ruahman a ni a. Zirtirtute chu online training leh video kal tlangin naupangte zirtir dan tur zirtir hmasak an ni a. Zirlaite chu an tih chhinna tur lehkhabu pek an nih bakah, zirtirtute pawh zirtirnaa puitu hmanrua pek an ni bawh.

Kumin February khan naupangte hmasawn dan endikna, 'final assessment' buatsaih niin, ziaak leh kaa chhang-in zirlaite'n endikna hi an hmachhawn a. ELF English team-te'n online-a zirlaite tanngkaa an kawmnaah zirlaite'n tanng thiamna, lam rik dan leh inrin tawkna kawngah hmasawna nasa tak an nei tih hmuh a ni.

Voicecast

Zirchianna lan danin Thumal hriatnaah zirlaite thiamna chu za zela 25% atangin 59%-ah a pung a. Thu chang kim thiamnaah Class 3 zirlaite'n za zela 18% atangin 66%-ah hmasawnin, Class 4 zirlaite

hmasawna chu za zela 13% atangin 74%-ah a kai bawk a. Zirlaite'n English chhiar, hriat thiam leh hrilhfiar kawngah pawh hma an sawn hle a ni.

Zirlaite tihphur nan leh an thawh rah hriatpui nan thilpek leh certificate hlan an ni a. He programme hlawhtlinna avang hian Lunglei District Bawrhsap Pi Navneet Mann kaihhraina hnuaiah, zirna kum thar 2026–27 lo awm turah sikul tam zawkah he English Literacy Programme hi kalpui chhonzawm tura ruahman a ni.

(DIPR)

<><><>

AIZAWL SOUTH 3 MLA

Aizawl South III bialtu MLA, Pi Baryl Vanneihsanghi chungchang mawi lo taka Social Media-a thu thehdarhtu Rfa Rfralte inti lakah ZPM Zonu Headquarters-in Cyber Crime Police Station-ah FIR an theh lut.

Thu dawn danin, Rfa Rfralte inti hian Facebook Group - Zoram Politics leh News Group-ah Pi Baryl Vanneihsanghi thlalak 2 dah chhuakin Caption-ah "Hman deuh khan milian hoin duh duh huna koh theih nu kha ani ve tlat, tunah pawh an la ko reng thinin ka ring" tih a ziak a, Aizawl South III bialtu MLA chungchang thu a ziah dan hi hmeichhe zahawmna tihbawrhanna lam hawi a nih avang leh dawt muhluma inbeihna a nih avangin ZPM Zonu chuan an ngai thutak hle tih sawiin dâwt thehdarhtu hian a phu tawh hremna hmu ngei se an duh avangin Cyber Crime Police Station-ah FIR an theh lut tih an sawi a ni.

(Desk)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Wawiin chawhnu dar 2 leh a chanve-ah Chanchinthar puan leh a ni ang.

<><><>

LPG AND PETROL

Sawrkar laipui chuan ramchhunga LPG supply a kaihlak loh thu sawiin ni 74 daih chhekkhawl sa a ti. Hei bakah hian tuialhthei chhekkhawl sa pawh ni 60 daih a awm a ti a. Union Ministry of Petroluem and Natural Gas chuan petrol, diesel emaw LPG zawrhna hmunah te mamawh khawp supply an dawng reng tih a sawi a. Khawvel hmun hrang hrang atangin supllier 41 chuangte hnen atangin tuialhthei thlitfim loh dawn reng a ni a tih a sawi a.

(Newsonair)

<><><>

UNION ROAD TRANSPORT MINISTER

Union Minister for Road Transport and Highways Nitin Gadkari chuan sawrkarin lirthei khalhtute himna turin kawng hrang hrangin hma a la a ti. Nimina New Delhi-a Sadar Suraksha Abhiyan 2026-ah lemchanthiam Aamir Khan nen an inkawmnaah he thu hi sawiin Pu Gadkari chuan raod safety atan hian hmalak niin chetsualna thlen tamna laite zawngchhuakin mipuite fimkhurna turin chhinchhiahna te pek a ni a ti a. Kawngpui himna tur leh a ziarang siamthat nan hian sawrkar laipui chuan cheng vaibelchhe sing 4 chuang a seng tawh a ti a. Ramchhunga lirthei siamtute tunhnaiah nasa takin an thang tih sawi bawkin khawvelah a lian pathumna an ni tawh a ti bawk.

(Newsonair)

<><><>

PM MANN KI BAAT

Prime Minister Narendra Modi chuan Pathianni chawhma dar 11 hian 'Mann Ki Baat' programme-ah ram chung leh ram pawn mipuite hnenah thu a sawi leh dawn a, Tun tum ami hi a tum 132-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang.

(Newsonair)

<><><>

RAILWAY

Union Railway Ministry chuan communication infrastructure leh Kavach Automatic Train Protection System tihchangtlunna turin cheng vaibelchhe sing 1 leh sang 2 project a pawm. Sawrkar thuchhuah danin heng project te hian ramchhunga rela inkalpawhna a tichangtlung dawn a. Fibre communication system leh khawl thar leh changkang zawk hman a ni ang.

(Newsonair)

<><><>